



Broj: 04-40-1-94/20
Sarajevo, 04.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 03.04.2020. do 08:30 sati 04.04.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Štab je danas održao sjednica Štaba na kojoj je analizirao trenutno stanje na području Kantona Sarajevo uzrokovano koronavirusom (COVID-19), kao i mjere i aktivnosti koje su poduzete od strana Štaba i svih kantonalnih organa uprave, ustanova, institucija i općinskih štabova civilne zaštite na provođenju naredbi nadležnih štabova civilne zaštite.

Štab je na sjednici donio i slijedeće naredbe:

- Naredbu kojom se naređuje svim ustanovama iz oblasti socijalne zaštite na području Kantona Sarajevo, da za sve svoje korisnike, bez obzira da li se radi o već postojećim korisnicima koji iz raznih razloga napuste njihove objekte pa se vraćaju u iste ili se radi o



novim korisnicima, da su dužni za takve korisnike provoditi mjeru izolacije, što podrazumijeva smještaj tih korisnika u posebne prostorije, kao i provođenje drugih propisanih epidemiološko–zaštitnih mjera;

- Naredbu kojom se naređuje Kantonalnoj upravi civilne zaštite Kantona Sarajevo da potpiše ugovor sa JU „Studentski centar“ Sarajevo za potrebe smještaja osoba koje ne postupe po rješenju nadležnih inspeksijskih organa kojim se određuje prinudna izolacija, za vrijeme vremenskog perioda za koji je ta mjera određena ili produžena, a koji se locira u objektu Studentskog doma „Bjelave“ Sarajevo u ul. Bardakčije br. 1;
- Naredbu kojom se omogućava rad zakonodavnih tijela i donošenja odluka po kojima bi izvršna vlast mogla postupati u interesu građana Bosne i Hercegovine i Federacije Bosne i Hercegovine (održavanje sjednice Zastupničkog doma Parlamentarne skupštine Bosne i Hercegovine, održavanje sjednice Doma naroda Parlamentarne skupštine Bosne i Hercegovine, održavanje sjednice Zastupničkog doma Parlamenta Federacije Bosne i Hercegovine i održavanje sjednice Doma naroda Parlamenta Federacije Bosne i Hercegovine) uz obavezno pridržavanja socijalne distance, propisanih epidemiološko–zaštitnih mjera i preporuke Kriznog štaba Ministarstva zdravstva Kantona Sarajevo;
- Naredbu kojom se mijenja dio Naredbe o dostavi lijekova osobama starijim od 65 godina koje žive same i koje nemaju bližeg srodnika da se brinu o njima.

Štab je također, donio odluku kojom se odobrava Kantonalnoj upravi civilne zaštite Kantona Sarajevo izdvajanje finansijskih sredstava u iznosu do 311.000,00 KM za nabavku neophodnog zaštitnog medicinskog materijala.

Služba za veterinarske poslove je u toku jučerašnjeg dana bila angažovana na planskoj i sistemskoj dezinfekciji javnih objekata i površina na području Kantonu Sarajevo.

Općinski štab civilne zaštite Ilidža:

U toku jučerašnjeg dana pripadnici službe zaštite i spašavanja sa visina i nepristupačnih terena izvršili su dezinfekcija ulice Hendekusa, dok su uposlenici KJKP Rad izvršili su pranje i dezinfekciju ulica na području općine Ilidža prema „Vanredno operativnom planu pranja i dezinfekcije javno-prometnih površina na području Kantona Sarajevo. U skladu sa naredbom Štaba izvršene su dvije dostave lijekova osobama starijim od 65 godina koje nemaju bližnjeg srodnika da se brinu o njima.

Općinski štab civilne zaštite Hadžići:

Služba za vodosnabdijevanje i asanaciju terena je zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu. Nastavljena je akcija podjele paketa sa osnovnim životnim namirnicama osobama koje su u stanju socijalne potrebe.

Općinski štab civilne zaštite Vogošća:

U skladu sa naredbom Općinskog štaba civilne zaštite kontinuirano se provode aktivnosti na nabavci zaštitne opreme i dezinfekcijskih sredstava. Aktivisti Crvenog križa Vogošća su u toku



jučerašnjeg dana dostavili tople obroke na adrese korisnika javne kuhinje Crvenog križa, kao i pakete sa prehrambenim proizvodima porodicama koje su u stanju socijalne potrebe.

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 8 intervencija manjeg intenziteta.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 57%, barometarski pritisak 942,3 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski, željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1